

# ԱՐՁԱՆԱԳՐՈՒԹՅՈՒՆ ԹԻՎ 14

## ՀՀ Լոռու մարզպետի մոտ կայացած ընդլայնված խորհրդակցության

14.10.2024թ.

ք.Վանաձոր

Նիստը վարում էր Լոռու մարզպետ Ա.Ղազարյանը  
Արձանագրում էր փաստաթղթաշրջանառության բաժնի պետ Ս.Մակարյանը

### Մասնակցում էին

Գ.Ասրյանը - մարզպետի տեղակալ  
Հ.Ավետիսյանը - մարզպետի տեղակալ  
Կ.Աշրաֆյանը - մարզպետի աշխատակազմի գլխավոր քարտուղար  
Կ.Ադամյանը, Մ.Դավաթյանը, Ռ.Պողոսյանը, Վ.Ղարսայանը, Գ.Քարհանյանը,  
Մ.Խեչումյանը, Ա.Թումանյանը, Է.Հախվերդյանը, Ա.Բաղդասարյանը, Գ.Մելիքսեթյանը,  
Ա.Բեջանյանը, Մ.Սարգսյանը - մարզպետի աշխատակազմի ստորաբաժանումների  
ղեկավարներ

### Օրակարգում՝ Ը ն թ ա գ ի կ հ ա ռ գ եր

### Ե լ ու յ թ ու ն ե ց ա ն՝

1. ՀՀ Լոռու մարզպետ Ա.Ղազարյանը ներկայացրեց մի շարք հանձնարարականների կատարման վերաբերյալ իր նկատառումները, մասնավորապես ս.թ. մայիսի 25-26-ին տեղացած հորդառատ անձրևներով պայմանավորված հեղեղումների պատճառով Աղետի գոտում ֆիզիկական անձանց բնակելի տների և տրանսպորտային միջոցների փոխհատուցման հարցերին, սուբվենցիոն և պետության պատվիրակությամբ իրականացվող շինարարական աշխատանքների նկատմամբ մշտադիտարկման, դրանց որակի և ժամկետների վերահսկման, գետերի հունների մաքրման ուղղությամբ տարվող աշխատանքների, նախարարությունների ու այլ կազմակերպությունների, համայնքների հետ փոխգործակցության հարցերին, տեղական ինքնակառավարման մարմինների գործունեության, ավագանու նիստերի անցկացման և նրանց ու համայնքների ղեկավարների կողմից ընդունված իրավական ակտերի նկատմամբ հսկողության հարցերին: Քննարկվեց նաև Լոռու մարզի Մեծ Պարնու դպրոցի տարածքից հողի ապօրինի տեղափոխման, Մեղովկայի դպրոցի շինարարության ընթացքում հայտնաբերված թերությունները և այլ հարցեր:

2. ՀՀ Լոռու մարզպետի տեղակալ Գ.Ասրյանը ներկայացրեց Տաշիրի տարածաշրջանում աղետի հետևանքով ֆիզիկական անձանց և գյուղատնտեսությանը հասցված վնասների փոխհատուցման վերաբերյալ տեղեկատվություն:

3. ՀՀ Լոռու մարզպետի տեղակալ Հ.Ավետիսյանը ներկայացրեց աղետի հետևանքով Ալավերդու տարածաշրջանում ֆիզիկական անձանց բնակարաններին և տրանսպորտային միջոցներին հասցված վնասների փոխհատուցման գործընթացի վերաբերյալ, ինչպես նաև քաղաքաշինության բնագավառում իրականացված մոնիտորինգի և վերահսկողության վերաբերյալ տեղեկատվություն:

4. ՀՀ Լոռու մարզպետի աշխատակազմի առողջապահության և սոցիալական հարցերի վարչության պետ Ռ.Պողոսյանը ներկայացրեց անցած շաբաթվա ընթացքում վարչության կողմից բուժհաստատություններ իրականացված շրջայցերի և հանդիպումների վերաբերյալ, ինչպես նաև Լոռի Բերդ համայնքի Յաղդան բնակավայրում երեխայի խնամքի հետ կապված քննարկման և հարցի լուծման վերաբերյալ տեղեկատվություն:

5. ՀՀ Լոռու մարզպետի աշխատակազմի կրթության, մշակույթի և սպորտի հարցերի վարչության պետ Գ.Քարհանյանը ներկայացրեց Մեծ Պարնի և Մեղովկա համայնքների ուսումնական հաստատություններում առկա խնդիրների և դրանց վերաբերյալ իրականացված ուսումնասիրությունների վերաբերյալ տեղեկատվություն:

6. ՀՀ Լոռու մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության գլխավոր մասնագետ Վ.Նարսայանը ներկայացրեց քաղաքաշինության բնագավառում իրականացվող ամենօրյա հսկողության, մոնիտորինգի և տրված հանձնարարականների կատարման վերաբերյալ տեղեկատվություն:

## **Հ ա ն ձ ն ա ր ա ր վ ե ց**

### **1. ՀՀ Լոռու մարզպետի տեղակալներ Գ.Ասրյանին, Հ.Ավետիսյանին՝**

Համապատասխան անհրաժեշտ աշխատանքներ իրականացնել նախարարությունների, գերատեսչությունների և համայնքների ղեկավարների հետ աղետի գոտու բնակավայրերում քաղաքացիներին ու իրավաբանական անձանց պատճառված բոլոր տեսակի վնասների փոխհատուցման հետ կապված դիմումներին սահմանված կարգով ընթացք տալու ուղղությամբ և գործընթացն ավարտել մինչև 21.10.2024թ.:

### **2. ՀՀ Լոռու մարզպետի տեղակալներ Գ.Ասրյանին, Հ.Ավետիսյանին, մարզպետի աշխատակազմի ստորաբաժանումների ղեկավարներին՝**

2.1 Տրված հանձնարարականների կատարման նկատմամբ դրսևորել անհրաժեշտ պատասխանատվություն և հետևողականություն: Հսկողություն իրականացնել գործառույթների կատարման նկատմամբ և յուրաքանչյուր երկուշաբթի պատրաստ լինել ներկայացնելու հաշվետվություն ըստ ոլորտների իրականացված աշխատանքների և խնդիրների լուծման ուղղությամբ:

2.2 Անհրաժեշտ հսկողություն սահմանել աշխատանքային կարգապահության կանոնների պահպանման նկատմամբ, անհրաժեշտության դեպքում նաև կիրառել անցագրային ռեժիմին ներկայացվող պահանջներ:

### **3. ՀՀ Լոռու մարզպետի տեղակալ Գ.Ասրյանին, մարզպետի աշխատակազմի գյուղատնտեսության և շրջակա միջավայրի պահպանության վարչության պետ Ա.Թումանյանին՝**

3.1 Մեկ անգամ ևս ուսումնասիրել և հետագայում ռիսկերը բացառելու նպատակով մոնիտորինգ անցկացնել մայիսի 25 - 26-ին տեղացած հորդառատ անձրևների հետևանքով գյուղատնտեսության ոլորտին հասցված վնասների չափի ճշգրտման վերաբերյալ :

3.2 Համայնքներից ստացված առաջարկությունների հիման վրա ներկայացնել գետերի հունների մաքրման աշխատանքների հետ կապված առաջարկներ:

3.3 Շրջայցեր իրականացնել Լոռու մարզի համայնքներում բերքահավաքի արդյունքներն ու տվյալներն ուսումնասիրելու, գյուղատնտեսության խնդիրներին լուծում տալու և դրանց վերաբերյալ տեղեկատվություն ներկայացնելու նպատակով:

#### **4. ՀՀ Լոռու մարզպետի տեղակալ Գ.Ասրյանին, մարզպետի աշխատակազմի ՏԻ և ՀԳՄ հարցերով վարչության պետ Մ.Խեչումյանին՝**

Ամենօրյա ուշադրության կենտրոնում պահել համայնքների ավագանիների նիստերի կազմակերպման, ընդունվող իրավական ակտերի նախագծերի նկատմամբ վերահսկման գործընթացները: Անհրաժեշտության դեպքում մասնակցել համատեղ քննարկումների և ներկայացնել առաջարկություններ:

#### **5. ՀՀ Լոռու մարզպետի աշխատակազմի կրթության, մշակույթի և սպորտի հարցերով վարչության պետ Գ.Քարհանյանին, քաղաքաշինության, հողաշինության և ենթակառուցվածքների կառավարման վարչության պետ Ռ.Մարգարյանին՝**

Համատեղ ուսումնասիրություններ կատարել և ներկայացնել տեղեկատվություն և առաջարկություններ Մեծ Պարնի և Մեղովկա համայնքների, ինչպես նաև այլ դպրոցներում առաջացած խնդիրների և դրանց լուծման տարբերակների վերաբերյալ:

#### **6. ՀՀ Լոռու մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Ռ.Մարգարյանին՝**

Անմիջական աշխատանքներ իրականացնել շինարարական կազմակերպությունների հետ տեղում՝ ծագած խնդիրները լուծելու և դրանց նկատմամբ վերահսկողություն սահմանելու նպատակով:

Ստորագրող  
ԱՐԱՄ ՂԱԶԱՐՅԱՆ  
2003720081

ԼՈՌՈՒ ՄԱՐԶՊԵՏ՝

2024-10-16 17:36:47 GMT+4  
Հավաստված է ԷԿԵՆԳԻ կողմից



Ա.ՂԱԶԱՐՅԱՆ